

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U GRAČANICI

Broj: 027-0-Su-23-000 165/1
Gračanica, 24.03.2022. godine

IZVJEŠTAJ
O RADU OPĆINSKOG SUDA U GRAČANICI
ZA 2022. GODINU

Na osnovu člana 63.stav 2. Zakona o sudovima u Federaciji Bosne i Hercegovine („Službene novine Federacije Bosne i Hercegovine“ broj 38/05, 22/06, 63/10, 72/10, 7/13, 52/14 i 85/21) u vezi sa članom 8. stav 1. tačka h) Pravilnika o unutrašnjem sudskom poslovanju („Službeni glasnik Bosne i Hercegovine“ br. 66/12, 44/14, 54/17, 60/17 i 30/18) predsjednik Općinskog suda u Gračanici podnosi

IZVJEŠTAJ O RADU ZA 2022. GODINU

Na osnovu elemenata i pokazatelja iskazanih u ovom izvještaju kroz prikaz stanja riješenih i neriješenih predmeta, priliva i strukture predmeta, kvaliteta rada, kaznene politike, izvršenja krivičnih sankcija, kadrovske strukture suda i materijalnog položaja, može se sagledati rad Općinskog suda u Gračanici u 2022. godini.

STANJE RIJEŠENIH I NERIJEŠENIH PREDMETA

U priloženim tabelama prikazani su podaci o rješavanju predmeta na svim referatima i to: stanje neriješenih predmeta na dan 31.12.2021. godine, broj primljenih predmeta u 2022. godini, ukupan broj predmeta u radu, broj završenih i broj neriješenih predmeta na kraju 2022. godine, pregled neriješenih predmeta po godinama iz koje potiču.

Osim predmeta iskazanih u tabelama, u toku 2022. godine riješeno je i:

- Nar/Rz predmeta (predmeti naručenih izvadaka, prepisa i uvjerenja i razna zemljišno-knjižna pismena) 9753,
- izvršeno 4 ovjeravanja isprava (Ov. predmeti),
- izvršeno 2120 ovjeravanja isprava namijenjenih za upotrebu u inostranstvu (Ov-h),
- izdato 685 Kr uvjerenja da se ne vodi krivični postupak,
- izdato 233 Prz II uvjerenja da nisu izricane zaštitne mjere obavljanja djelatnosti, da stranka nije prekršajno kažnjavana.

Krivična oblast

U 2022. godini u krivičnoj oblasti sudovanja primljeno je u rad K 172 predmeta i 201 Kps predmeta. Broj krivičnih predmeta (K) koji su primljeni u rad 2022. godine u odnosu na 2021. godinu je veći, jer je 2021. godine primljeno 142 K predmeta, dok je manji broj zaprimljenih Kps predmeta jer je 2021. godine primljeno 223 Kps predmeta.

Određeni predmeti Kps zaprimljeni u 2022.godini su i završeni u toj fazi donošenjem odluke, dok je određen broj Kps predmeta prešao u K fazu.

Došlo je do promjene u strukturi krivičnih djela u odnosu na prethodnu godinu tj. povećan je broj krivičnih djela: teška tjelesna ozljeda, laka tjelesna ozljeda, posjedovanje i omogućavanje uživanja opojnih droga, krađa, teška krađa, teška krivična djela protiv sigurnosti javnog prometa, nasilničko ponašanje.

U tabeli ispod je prikaz K i Kps zaprimljenih predmeta, prikazanih po pravnom osnovu, tako je vidljivo da su u 2022.godini zastupljena sljedeća krivična djela

R/br.	Vrsta krivičnog djela	član KZ F BiH	Broj predmeta
1.	Teška tjelesna ozljeda	172 KZ FBiH	11
2.	Laka tjelesna ozljeda	173 KZ FBiH	12
3.	Ugrožavanje sigurnosti	183 KZ FBiH	6
4.	Spolni odnošaj s nemoćnom osobom	204 KZ FBiH	1
5.	Bludne radnje	208 KZFBiH	1
6.	Izvanbračna zajednica s mlađim maloljetnikom	216 KZFBiH	1
7.	Nasilje u porodici	222 KZ FBiH	8
8.	Neovlaštena proizvodnja i stavljanje u promet opojnih droga	238 KZ FBiH	11
9.	Posjedovanje i omogućavanje uživanja opojnih droga	239 KZ FBiH	49
10.	Prijevarama u privrednom poslovanju	251 KZFBiH	1
11.	Krađa	286 KZ F BiH	20
12.	Teška krađa	287 KZ F BiH	12
13.	Razbojništvo	289 KZ FBiH	1
14.	Utaja	290 KZ FBiH	3
15.	Oduzimanje tuđe pokretnine	291 KZF BiH	2
16.	Oštećenje tuđe stvari	293 KZ F BiH	10
17.	Pustošenje šuma	315 KZ F BiH	1
18.	Izazivanje opće opasnosti	323 KZFBiH	2
19.	Ugrožavanje javnog prometa	332 KZ F BiH	5
20.	Ugrožavanje javnog prometa zbog omamljenosti	333 KZ F BiH	8
21.	Teška krivična djela protiv sigurnosti javnog prometa	336 KZ F BiH	16
22.	Neukazivanje pomoći osobi ozlijeđenoj u prometnoj nezgodi	337 KZ F BiH	1
23.	Udruživanje radi činjenja krivičnih djela	340 KZ F BiH	1
24.	Lažno prijavljivanje	347 KZ F BiH	1
25.	Davanje lažnog iskaza	348 KZFBiH	1
26.	Sprečavanje službene osobe u vršenju službene radnje	358 KZFBiH	1
27.	Napad na službenu osobu u vršenju poslova sigurnosti	359 KZ F BiH	1
28.	Nasilničko ponašanje	362 KZ F BiH	10
29.	Nedozvoljeno držanje oružja ili eksplozivnih materija	371 KZ FBiH	1
30.	Krivotvorenje isprave	373 KZ F BiH	2
31.	Zloupotreba položaja ili ovlaštenja	383 KZFBiH	1

U 201 primljenih Kps predmeta, ukupno je optuženo 232 lica od kojih je 185 lica sa područja Grada Gračanica, 19 lica sa područja općine Doboj Istok, dok je 28 lica sa područja drugih općina.

Na kraju 2021.godine ostalo je neriješenih 45 K predmeta, u 2022. godini riješeno je 158 krivičnih predmeta, te je na kraju izvještajnog perioda ostalo neriješeno 59 K predmeta. Osuđujućom presudom je završeno 137 predmeta, oslobađajućom presudom 5 predmeta, u 1 predmetu je izrečena sudska opomena, u 2 predmeta je obustavljen postupak, 13 predmeta riješeno je na drugi način (spajanjem postupka).

Od ukupno riješenih 158 K predmeta u 54 predmeta (34,17%) presuda je izrečena po osnovu priznanja krivnje, u 4 predmeta (2,53 %) presuda je izrečena po sporazumu o priznanju krivnje, u 85 predmeta presuda je donesena nakon održanog glavnog pretresa (53,79 %), u 2 predmeta (1,26%) je donesena obustava postupka, 13 predmeta (8,22%) su završena na drugi način (od kojih je 1 predmeta završena spajanjem).

Od ukupno riješenih 211 Kps predmeta u 67 predmeta (31,75%) presuda je izrečena po izdavanju kaznenog naloga, u 131 predmeta (62,09%) donesena je odluka u meritumu, dok je 11 predmetu (5,21%) prešlo u K i 2 predmeta (0,94%) su završena na drugi način.

Na kraju izvještajnog perioda ostalo je neriješeno 59 K predmeta i to: 48 predmeta (81,35%) iz 2022.godine, 3 predmeta (5,08%) iz 2021. godine, 1 (1,69%) predmeta iz 2020. godine, 3 predmet (5,08%) iz 2019. godine, 2 predmeta (3,38%) iz 2014. godine, 1 predmeta (1,69%) iz 2012.godine, 1 predmet (1,69%) iz 2011.godine.

Trajanje postupka: u 158 završena K predmeta u 2022. godini postupak je u 124 predmeta trajao do 3 mjeseca ili 78,48 %, u 30 predmeta ili 18,98% postupak je trajao preko 3 mjeseca do 1 godine, a u 4 predmeta ili 2,53 % postupak je trajao preko 1 godine.

Kaznena politika

Od riješenih 158 K predmeta, kazna zatvora je izrečena u 49 predmeta, uslovna osuda u 81 predmeta, novčana kazna u 7 predmeta, 5 predmeta su završena donošenjem presude kojom se optuženi oslobađa od optužbe, 1 predmet je završen donošenjem sudske opomene, u 2 predmeta je obustavljen postupak, 1 predmet završen je spajanjem postupka, dok je 12 predmeta završeno na drugi način.

Kaznena politika redovno je analizirana na radnim sastancima sudija i može se ocijeniti adekvatnom počinjenim djelima odnosno jačini ugrožavanja ili povrede zaštićenog dobra, okolnostima pod kojima su djela učinjena, stepenu krivične odgovornosti počinilaca, kao i drugim okolnostima od kojih zavisi vrsta i visina kazne, odnosno vrsta krivične sankcije.

Pritvor je određivan za 18 lica u 17 predmeta. Pritvor je za dva lica trajao do 1 mjesec, za 10 lica trajao od 1 do 3 mjeseca, za 4 lica pritvor je trajao od 3-6 mjeseci, a za 2 lica pritvor još uvijek traje.

Maloljetnička delikvencija

U 2022. godini u radu je bilo 10 Km predmeta od kojih su 2 predmeta prenesena iz 2021. godine, 8 predmeta je zaprimljeno u 2022. godini. U odnosu na 2021. godinu u 2022. godini došlo je do smanjenja priliva Km predmeta.

U 2022. godini u zaprimljenim predmetima u postupku protiv maloljetnika zastupljena su sljedeća krivična djela:

R.br	Vrsta krivičnog djela	član KZ F BiH	Broj predmeta
1.	Lahka tjelesna ozljeda	173 KZ FBiH	1
2.	Posjedovanje i omogućavanje uživanja opojnih droga	239 KZ FBiH	4
3.	Krađa	286 KZFBiH	1
4	Razbojništvo	289 KZFBiH	1
5.	Računalna prijevarena	395 KZFBiH	1

Završeno je 9 predmeta Km, a 1 predmet nije završen. U 4 Km predmeta izrečena je odgojna mjera pojačanog nadzora nadležnog organa socijalne zaštite, dok je u 5 predmeta doneseno Rješenje kojim se obustavlja izvršenje odgojne mjere pojačanog nadzora nadležnog organa socijalne zaštite.

Trajanje postupka – prosječno trajanje postupka u svim riješenim Km predmetima je 119,78 dana.

a) Građanska oblast

Pregled primljenih parničnih predmeta:

Red. br.	Vrsta parničnog spora	Broj predmeta
1.	Sporovi iz bračnih i porodičnih odnosa	148
a	Razvod braka	105
b	Izdržavanje	
	- djece	5
	- bračnog druga	0
c	Osporavanje očinstva / materinstva	0
d	Utvrđivanje očinstva/materinstva	5
e	Podjela/utvrđivanje bračne stečevine	16
f	Određivanje neposrednih kontakata djeteta sa roditeljem sa kojim ne živi	3
g	Izmjena odluke o povjeravanju djeteta	12
h	Određivanje staranja o djetetu	1
i	Utvrđivanje vanbračne zajednice	1
2.	Sporovi iz nasljeđivanja	6
	Raskid Ugovora o doživotnom izdržavanju	6
3.	Sporovi iz stvarnog prava	31
a	Smetanje posjeda i prava	7

	b	Svojina i posjed nepokretnosti	1
	c	Svojina i posjed pokretnih stvari	0
	d	Utvrđenje služnosti	7
	c	Utvrdjivanje i uknjižba	16
	f	Uznemiravanje prava vlasništva	0
4.		Sporovi po osnovu ugovora i pravnih poslova	11
	a	Poništenje/ništavost ugovora	1
	b	Otkaz ugovora	1
	c	Raskid ugovora	1
	d	Isplata potraživanja	8
5.		Sporovi o naknadi štete	71
6.		Sporovi iz radnih odnosa	13
7.		Ostali sporovi	347
	a	Dug	127
	b	Komunalne i slične usluge	201
	c	Prijedlog za određivanje mjere osiguranja	1
	d	Kleveta	1
	e	Ostali	17

Na parničnom referatu (P, Rs i Mal predmeti) primljeno je 627 predmeta (245 P, 20 Rs, 350 Mal, 3 P-Mo, 2 P-Pom i 7 P-Mpom) i u toku izvještajnog perioda u radu je bilo ukupno 921 predmet.

U 2022. godini riješeno je ukupno 602 parničnih predmeta (282 P, 13 Rs, 294 Mal, 4 P-Mo, 7 P-Mpom i 2 P-Pom predmeta), od čega presudom zbog propuštanja 193 predmeta ili 32,06%. Od 282 P predmeta, presudom zbog propuštanja završeno je 33 predmeta ili 11,70 % , od 13 Rs predmeta 1 je završen presudom zbog propuštanja ili 7,69%, a od 294 Mal predmeta 159 je završeno presudom zbog propuštanja ili 54,08%. Presudom na osnovu priznanja riješeno je 8 predmeta ili 1,32%. Od 282 P predmeta presudom na osnovu priznanja završeno je 6 predmeta ili 2,12%, od 13 Rs predmeta 2 su završena presudom na osnovu priznanja ili 15,38%. Presudom donesenom nakon provedene rasprave riješeno je 187 ili 31,06 % predmeta (od čega 170 P ili 60,28 %, 7 Rs ili 53,84 %, 7 Mal predmeta ili 2,38%, 3 P-Mo ili 42,85%). Sudskom nagodbom je riješeno 18 ili 2,87% predmeta (od čega 2 Mal predmeta ili 0,68 %, 15 P ili 5,31 i 1 Rs predmeta ili 7,69%). Procesnom odlukom je riješeno 44 predmeta ili 7,30% (od čega 40 Mal predmeta, 3 P predmeta i 1 P-Mo predmet), u 24 predmeta sud se oglasio nenadležnim ili 3,98% (20 Mal ili 6,80% i 4 P ili 1,41%). 128 predmeta ili 21,26% su riješeni na drugi način, povlačenjem tužbe, prekidom postupka, spajanjem predmeta, zamolnica izvršena odnosno nije izvršena (od čega 51 P ili 18,08 %, 66 Mal predmeta ili 22,45 %, Rs 2 predmeta ili 15,35%, P-Mpom 7 predmeta ili 100,00% i P-Pom 2 predmet ili 100,00%)

Na kraju izvještajnog perioda ostalo je neriješeno 319 parničnih predmeta (121 P, 18 Rs, 177 Mal, 3 P-Mo), od čega 272 predmeta iz 2022. godine i 47 iz ranijih godina.

Trajanje postupka: u 602 parničnih predmeta (282 P, 13 Rs, 294 Mal, 4 P-Mo, 7 P-Mpom i 2 P-Pom predmeta), završenih parničnih predmeta postupak je u 552 predmeta trajao do 1 godine ili 91,69% a u 50 predmeta postupak je trajao preko 1 godine ili 8,31%.

b) Vanparnični referat

Pregled primljenih vanparničnih predmeta:

Vrsta vanparničnog postupka	Broj predmeta
Ostavinski postupak	687
Deponovanje testamenta	10
Opozivanje testamenta	3
Sastavljanje testamenta	1
Oduzimanje ili vraćanje poslovne sposobnosti	16
Proglašenje nestalih osoba umrlim i dokazivanje smrti	8
Dozvola za zaključenje braka	6
Zadržavanje duševno bolesnih osoba u zdravstvenoj ustanovi	0
Oduzimanje i vraćanje roditeljskog staranja	2
Održavanje neposrednih kontakata malodobne djece sa nanom i djedom	0
Dioba stvari i nekretnina u zajedničkom vlasništvu	17
Uređenje međa	16
Protest mjenice	47
Pravna pomoć	15
Određivanje naknade za ekspoprisane nepokretnosti	1
Ostalo	3

Na vanparničnom referatu primljeno je 832 predmeta i u toku izvještajnog perioda u radu je bilo ukupno 1193 predmeta.

U toku izvještajnog perioda riješeno je 931 predmet od toga 792 ostavinskih predmeta (O), 114 vanparničnih (V-V), 11 deponovanje testamenta (Pi-Pi), 11 predmeta pružanja međunarodne pravne pomoći (V-Mpom) i 3 predmeta pružanje međunarodne pravne pomoći u ostavinskim predmetima (O Mpom).

Od 114 riješenih V predmeta donošenjem odluke u meritumu riješeno je 31 predmet, povlačenjem prijedloga 7 predmeta, prijedlog odbačen 4 predmeta, prekid postupka određen je u 5 predmeta, 1 predmet je završen donošenjem procesne odluke, 2 predmeta dostavljena drugom sudu na nadležnost, u 1 predmetu postupak obustavljen, na drugi način riješeno 63 predmeta. Od ukupno riješenih 11 V-Mpom predmeta u 8 predmeta je zamolnica izvršena a u 2 predmeta nije izvršena dok je 1 predmet riješen na drugi način.

Od ukupno riješenih 792 O predmeta, od strane notara riješeno je 724 predmeta, na osnovu raspravljanja zaostavštine riješeno 35 predmeta, rješenje o nasljeđivanju doneseno u 8 predmeta, prijedlog odbačen u 5 predmeta, prijedlog je povučen u 4 predmeta, završeno na drugi način u 15 predmeta, dok je 1 predmet delegiran po mjesnoj nenadležnosti drugom sudu.

Trajanje postupka: na vanparničnom referatu od 931 predmet u 893 predmeta postupak je trajao do 1 godine ili 95,92 % dok je u 38 predmeta ili 4,08 % postupak trajao preko 1 godine.

c) Izvršni referat

Na izvršnom referatu u toku 2022. godine primljeno je 956 predmeta, od toga je 248 komunalnih predmeta, 4 I-Mpom, 1 I-Pom i 106 Ip predmeta a 597 je I predmeta (I-I, K-I, Mal-I, P-I, Rs-I, V-I) .

U toku 2022.godine riješeno je 978 izvršnih predmeta i to:1 I-Pom, 4 I-Mpom, 88 Ip predmeta, 269 komunalnih predmeta od čega 13 Ip-kom predmeta i 603 ostalih predmeta (po prijedlogu banaka, Mikrokreditnih organizacija, izvršenja na osnovu pravosnažnih sudskih odluka i dr.)

Na kraju izvještajnog perioda ostalo je neriješeno 637 izvršnih predmeta, od čega iz 2022. godine 505 predmeta, iz 2021. godine 76 predmeta, iz 2020. godine 42 predmeta, iz 2019. godine 9 predmeta, iz 2018. godine 2 predmeta, iz 2017. godine 2 predmet, iz 2016. godine 1 predmet.

Od ukupno neriješenih 637 izvršnih predmeta 184 je komunalnih predmeta.

Pregled rada u izvještajnom periodu po Pr predmetima

U izvještajnom periodu primljeno je ukupno 724 prekršajnih predmeta od čega je 517 Pr predmeta, 142 Pr-Pls predmeta, 26 Prm, 2 Pr-Mpom predmeta, 1 Pr-Pv predmet, 17 Ips predmeta, 18 Pr-Prz predmeta i 1 Pr-Kv-l.

U izvještajnom periodu na prekršajnom referatu ukupno je riješeno 863 predmeta od toga: 484 Pr predmeta, 142 Pr-Pls predmeta, 27 Prm, 2 Pr-Mpom predmeta, 1 Pr-Pv predmet, 189 Ips predmeta, 18 Pr-Prz predmeta.

Na kraju izvještajnog perioda ostalo je ukupno 598 neriješenih prekršajnih predmeta od kojih je: 232 Pr predmeta i svi su iz 2022.godine, 356 Ips predmeta od čega 17 iz 2022.godine, 33 iz 2021.godine, 80 iz 2020. godine, 171 iz 2019.godine i 55 iz 2018.godine; 1 Prm-Ipsm iz 2019.godine, 8 Prm-Prm svi su iz 2022.godine i 1 Pr-Kv-l iz 2022.godine.

Zemljišno-knjižni ured

U 2022. godini riješeno je 5039 predmeta zajedno sa predmetima usaglašavanja katastra i zemljišne knjige, i to 3146 redovnih Dn predmeta na osnovu zahtjeva za upis i 1893 predmeta na osnovu zahtjeva za usaglašavanje katastra i zemljišne knjige, Primljeno je u toku 2022. godine 3123 redovnih Dn predmeta, a 25 predmeta za usaglašavanje katastra i zemljišne knjige. Treba naglasiti da je u 2015. godini započeo Projekat registracije i usaglašavanja podataka o nekretninama i pravima na nekretninama iz katastra i zemljišne knjige za k.o. Gračanica i Gornja Orahovica, tako da je u 2015. godini zaprimljeno 14338 predmeta, dok je u novembru i decembru 2016. godine zaprimljeno 10256 predmeta za usaglašavanje katastra i zemljišne knjige za k.o. D. Lohinja-Pribava, Donja Orahovica i Lukavica Rijeka, u zadnjem kvartalu 2018.godine je zaprimljeno 9795 predmeta za usaglašavanje katastra i zemljišne knjige za k.o. Stjepan Polje, Miričina i Lukavica, u 2020.godini zaprimljeno 8106 predmeta za usaglašavanje katastra i zemljišne knjige za k.o. Babići, Malešići, Rašljeva i Gornja Lohinja, dok je u 2021. godine zaprimljeno 28 predmeta, a u 2022. godini 25 predmeta za usaglašavanje katastra i zemljišne knjige.

U toku 2022. godine priliv redovnih zemljišnoknjižnih predmeta na osnovu zahtjeva za upis je veći u odnosu na 2021. godinu za 71 predmet a takođe i broj riješenih predmeta je veći u odnosu na 2021. godinu i to za 82 predmeta.

Kad su u pitanju zahtjevi za uspostavljanje zk uložaka na kraju 2022. godine riješen je veći broj predmeta u odnosu na 2021.godinu, s tim da je Zemljišnoknjižni ured u 2022. godini zaprimio 25 predmeta.

RJEŠAVANJE ZAOSTALIH PREDMETA

Iz tabela br. 1 i br. 2 (gdje je dat prikaz svih vrsta predmeta) vidljivo je da je na dan 31.12.2021. godine ostalo neriješeno ukupno 4244 predmeta, uključujući i zemljišnoknjižne predmete kako redovne (33) tako i iz Projekta usaglašavanja katastra i zemljišne knjige (2015), dok je bez pomenutih predmeta na dan 31.12.2021. godini ostalo neriješeno 2196 predmeta.

U toku 2022. godine primljeno je u rad ukupno novih 7122 predmeta, uključujući i zemljišnoknjižne predmete od čega je 3148 zemljišnoknjižnih predmeta i to 3123 redovnih Dn predmeta, a 25 predmeta iz Projekta usaglašavanja katastra i zemljišne knjige, dok je bez zemljišnoknjižnih predmeta na dan 31.12.2022. godini u rad primljeno ukupno 3974 predmeta. U istom periodu ukupno je riješeno 9242 predmeta, uključujući i zemljišnoknjižne predmete od kojih je 5039 zemljišnoknjižnih predmeta i to 3146 redovnih zk predmeta i 1893 riješenih predmeta iz Projekta, dok je bez pomenutih predmeta ukupno riješeno 4203 predmeta.

Na dan 31.12.2022. godine ostalo je neriješeno ukupno 2124 predmeta uključujući i zemljišnoknjižne predmete kako redovne (8) tako i iz Projekta usaglašavanja katastra i zemljišne knjige (149), dok je bez pomenutih predmeta na dan 31.12.2022. godini ostalo neriješeno 1967 predmeta.

Od 157 zemljišnoknjižnih predmeta koji su ostali neriješeni na kraju izvještajnog perioda, 8 predmeta potiče iz 2022.godine, i svi su redovni Dn predmeti, 2 predmeta potiču iz 2021. godine (redovni Dn predmeti), 81 predmet potiče iz 2020.godine (koji su iz Projekta), 8 predmeta potiče iz 2018. godine (koji su iz Projekta), zatim 1 predmet potiče iz 2016.godine, 57 iz 2015.godine.

Prije svega, neophodno je istaći da je u navedenom periodu na rad suda znatno utjecala činjenica odgađanja ročišta zbog nemogućnosti dolaska stranaka i učesnika u postupku koji se nalaze u inostranstvu. Pored navedenog, preneseni predmeti iz ranijih godina nisu riješeni iz procesnih razloga jer u pojedinim krivičnim predmetima optuženi nisu dostupni, mijenjaju se adrese, u parničnim predmetima, osim složenosti predmeta prisutna je kod određenog broja predmeta i nemogućnost dostave tužbe na odgovor tuženoj strani zbog promjenjenih ili netačnih adresa. Kod izvršnih predmeta razlog nerješavanja je to što je u izvršnim predmetima više izvršenika, tražitelj izvršenja dostavi netačne adrese, izjavljivanje prigovora izvršenika usporava postupak, zatim česta potreba da se vrši popis, procjena i prodaja pokretnih stvari izvršenika, u pojedinim predmetima od strane tražilaca izvršenja traži se i ponovni popis stvari, izvršni postupak usporava podnošenje zahtjeva tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga.

Radi bržeg rješavanja starijih predmeta sud svake godine u skladu sa Uputstvom Visokog sudskog i tužilačkog vijeća Bosne i Hercegovine donosi Plan rješavanja predmeta, čija se realizacija redovno prati. Prema Uputstvu Vijeća plan se sačinjava za predmete koji nisu hitne prirode, komunalne prirode i odnosi se na one koji nisu riješeni za godinu dana od prijema inicijalnog akta u sud (optužnica, tužba, prijedlog za izvršenje). S tim u vezi, može se reći da je u prethodnoj godini zadovoljavajući broj starih predmeta riješen.

STATISTIČKI KVALITET ODLUKA

Statistički kvalitet odluka se izračunava u skladu sa članom 16. Kriterija za ocjenjivanje rada sudija u Bosni i Hercegovini (broj 06-08-4731/2013, izmjene broj 06-08-4000/2014 i izmjene broj 06-08-1-3494/2016) i to na temelju sljedećih podkriterija:

- procent ukinutih odluka u odnosu na ukupan broj potvrđenih, preinačenih i ukinutih odluka od strane suda više instance
- procent ukinutih i preinačenih odluka, koje se u smislu stava 2.istog člana računaju kao ukinute, u odnosu na ukupan broj predmeta u kojima je donesena konačna odluka na koju se može izjaviti pravni lijek sudu više instance.

Broj donesenih odluka suda u 2022.godini na koje se mogao izjaviti pravni lijek je 1905, broj potvrđenih odluka je 132, broj preinačenih odluka je 34, broj ukinutih odluka je 28 a broj djelimično ukinutih je 1.

U skladu sa navedenim Kriterijima, kvalitet sudskih odluka u 2022.godini iznosi 88,66%.

IZVRŠENJE KRIVIČNIH SANKCIJA

U toku 2022. godine u radu je bilo 73 predmeta izvršenja krivičnih sankcija (upućivanje pravnosnažno osuđenih lica na izdržavanje kazne zatvora) od kojih je 15 preneseno iz prethodnih godina, a 58 je primljen u 2022. godini.

Od 58 primljenih predmeta izvršenja krivičnih sankcija u 56 predmeta osuđena lica su sa područja Grada Gračanica, u 2 predmeta iz općine Doboj Istok.

U toku izvještajnog perioda riješen je 51 predmeta, 22 je neriješeno (kod neriješenih predmeta jedan dio predmeta odnosi se na nedostupnost osuđenih lica u odnosu na koje je izdata potjernica, dat nalog sudskoj policiji za prinudno sprovođenje u KPZ ili je u predmetu započet proces za izdržavanje kazne uz elektronski nadzor ili je odloženo izvršenje kazne zatvora).

KADROVSKA STRUKTURA SUDA I MATERIJALNI POLOŽAJ

Općinski sud u Gračanici vrši sudsku vlast za područja Grada Gračanica i općine Doboj Istok i za vršenje poslova prema Pravilniku o unutrašnjoj organizaciji i sistematizaciji radnih mjesta u Općinskom sudu u Gračanici 027-0-Su-19-000 544 od 08.11.2019. godine obrazovane su organizacione jedinice kroz Odjeljenje sudija, Odjeljenje sudske uprave (a-Odsjek sudske uprave i b-Pisarnica), te Odjeljenje za zemljišno-knjižne poslove.

Prema navedenom Pravilniku predviđeno je da sudijsku funkciju u Općinskom sudu u Gračanici vrši 5 redovnih sudija uključujući i predsjednika suda, 2 dodatnih sudija, 2 stručna saradnika a ostale poslove iz nadležnosti suda predviđeno je da obavlja 8 državnih službenika i 26 namještenika, s tim da nisu popunjena sva predviđena radna mjesta.

Poslove sudija u izvještajnom periodu obavljalo je 5 sudija (predsjednik suda, 4 redovnih sudija) i 2 stručna saradnika.

U 2022. godini popunjena su upražnjena radna mjesta i to državni službenik – stručni saradnik - administrator koje je popunjeno 17.03.2022. godine, kao i dva radna mjesta namještenika (daktilograf) a koja su popunjena 13.06.2022. godine.

Dakle, u 2022. godini osim nepopunjenih radnih mjesta dodatnih sudija (koje nije moguće

popuniti zbog zaključka VSTV-a i smanjenog broja predmeta), još su upražnjena određena mjesta državnih službenika i namještenika zbog finansijske situacije tj. od predviđenih 8 državnih službenika popunjena su 5 a od 26 namještenika popunjeno je 21 radno mjesto.

RAD SUDSKE UPRAVE

U Odjeljenju sudske uprave obavljaju se poslovi kojima se osiguravaju uslovi za pravilan rad i poslovanje Suda a u okviru Odjeljenja sudske uprave formirane su unutrašnje organizacione jedinice a) Odsjek sudske uprave i b) Pisarnica.

Poslovi Odsjeka sudske uprave obuhvataju:

- organiziranje unutrašnjeg poslovanja u Sudu,
 - obezbjeđenje blagovremenog i urednog obavljanja poslova u Sudu,
 - osiguravanje uslova za rad sudija, stručnih saradnika i ostalih zaposlenika u Sudu, obavljanje poslova u vezi sa ostvarivanjem prava, obaveza i odgovornosti sudija, stručnih saradnika i ostalih zaposlenika u Sudu,
 - podršku i brigu o stručnom usavršavanju sudija, stručnih saradnika i ostalih zaposlenih u Sudu,
 - održavanje biblioteke u sudu i redovno popunjavanje aktuelnom stručnom literaturom,
 - vođenje personalne dokumentacije,
 - vršenje poslova finansijskog i materijalnog poslovanja Suda,
 - obavljanje poslova javnih nabavki,
 - obavljanje poslova iz radnih odnosa,
 - poslovi izvršenja krivičnih i prekršajnih sankcija,
 - poslovi u vezi sa pritužbama na rad sudija, stručnih saradnika, državnih službenika i namještenika,
 - poslovi međunarodne pravne pomoći,
- ostali poslovi određeni Zakonom i drugim propisima.

U radu suda primjenjuju se odredbe Zakona o sudovima, Pravilnika o unutrašnjem sudskom poslovanju Federacije BiH i Brčko distrikta, Pravilnika o sistemu za automatsko upravljanje predmetima u sudovima (CMS), Pravilnika o orijentacionim mjerilima za rad sudija i stručnih saradnika i Uputstva VSTV-a BiH za rad po starim neriješenim predmetima kao i drugi propisi.

U okviru rada sudske uprave, izvršena je i redovna obaveza predsjednika suda u pogledu godišnjeg ocjenjivanja rada sudija, stručnih saradnika i svih ostalih uposlenika Suda. Predsjednik Suda je obavio ocjenjivanje rada 4 sudija i pet državnih službenika Suda, dok je po prijedlogu šefa pisarnice i šefa zk ureda, predsjednik Suda u okviru svojih nadležnosti izvršio ocjenjivanje ostalih zaposlenika.

U izvještajnom periodu kontinuirano su se izrađivali i mjesečni izvještaji o radu svakog sudije pojedinačno i suda u cjelini, a program CMS omogućavao je svakom od sudija da u bilo kojem trenutku ima informaciju o svojim ostvarenim radnim rezultatima i stanje broja neriješenih predmeta.

Odjeljenje sudske uprave je i u toku 2022. godine osiguralo sudijama administrativno-tehničku podršku pri pohađanju obaveznih edukacija svakog sudije (i to u trajanju od najmanje tri dana) ostvarenih kroz seminare i konferencije koje je organizovao Centar za edukaciju sudija i tužilaca FBiH, kako onih održanih na predviđenim edukacijama tako i onih održanih on-line, a gdje su se iskustva stečena na stručnim usavršavanjima pozitivno odrazila na kvalitet rada svakog

sudije pojedinačno ali i Suda u cjelini.

U okviru sudske uprave redovno su se održavali i radni sastanci sa šefovima unutrašnjih organizacijskih jedinica, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosom prema radu i radnoj disciplini te dosljednijem poštivanju Etičkog kodeksa ponašanja.

Web stranica suda se ažurira nastojeći da pruži javnosti potrebne podatke o radu suda i sudskim uslugama počevši od rasporeda održavanja glavnih pretresa i rasprava pa do načina ostvarivanja slobode pristupa informacijama, kao i ostalih obavještenja i uputstava kako bi strankama bili olakšani različiti postupci pred sudom.

Na kraju treba istaći i činjenicu da je sudska uprava ostvarila i veoma dobru saradnju sa Odjelom sudske policije, koja je smještena u zgradi Suda, i da je sudska policija u proteklom periodu uspješno obavila sve zadatke koje je dobivala od strane predsjednika Suda, sudija sa krivičnog referata te sudija sa drugih referata.

OCJENA I PRIJEDLOG MJERA

Osnovne karakteristike za ovaj izvještajni period, u najkraćem, bile bi:

Općenito priliv predmeta u 2022. godini, bez zemljišnoknjižnih predmeta, je manji u odnosu na 2021. godinu, za 201 predmet.

Priliv predmeta u 2022.g. je veći u odnosu na priliv u 2021. godini na krivičnom, izvršnom referatu, odnosno manji na vanparničnom, parničnom i prekršajnom referatu.

U pogledu zemljišno-knjižnih predmeta priliv predmeta na osnovu zahtjeva za upis u 2022. godini je veći u odnosu na 2021. godinu, s tim da je zaprimljeno 25 predmeta iz Projekta registracije nekretnina dok u 2021.godine zaprimljeno 28 predmeta te vrste, a veći je i broj riješenih redovnih predmeta na osnovu zahtjeva za upis u 2022.godini u odnosu na 2021. godinu.

U izvještajnom periodu manji je broj neriješenih predmeta u odnosu na 2021.godinu, od čega je u pogledu starosti neriješenih predmeta, najveći broj predmeta iz 2021.godine, zatim iz 2020., 2019., 2018., 2017., a mali je broj neriješenih predmeta iz 2016.godine i ranije.

S obzirom na ostvarenu kolektivnu normu suda od 106,60 % može se konstatovati da je postignut odgovarajući rezultat u postupanju sa predmetima, imajući u vidu duže odsustvo jednog stručnog saradnika sa posla zbog bolovanja, a čiji su predmeti presignirani ostalim sudijama i stručnom saradniku u drugoj polovini 2022. godine. Četvoro sudija je imalo prebačaj norme (uključujući normu predsjednika suda) a jedan sudija je imao ispod 100% godišnje norme. Rad svih ostalih uposlenika cijeni se kao uspješan odnosno naročito uspješan, posebno kada se ima u vidu nepopunjenost sistematizacije, odsustva po osnovu bolovanja ili prestanak rada.

Rad zemljišno-knjižnog ureda je veoma zadovoljavajući, s obzirom na Projekat usaglašavanja i broj predmeta koji je primljen u 2015. godini, 2016. godini, 2018. i 2020. godini.

Cjelokupan rad suda za 2022-gu godinu se može ocijeniti kao uspješan, o čemu govore podaci o broju ukupno riješenih predmeta sa godišnjom normom od 106,60 %, i kvalitetom rada suda od 88,66 %, takođe i smanjenim brojem starih predmeta, imajući u vidu uslove rada.

Plan rješavanja predmeta za nivo suda realizovan je u procentu od 87,54 %.

Efikasnost posmatrana kroz dužinu trajanja postupka je različita u odnosu na vrstu predmeta, zavisno od broja predmeta na određenom referatu te priliva predmeta.

Rokovi propisani u Zakonu o krivičnom postupku za odlučivanje o potvrđivanju i dostavljanju optužnice, zakazivanje ročišta radi izjašnjavanja o krivnji, razmatranje izjava o priznanju krivnje, kao i u pogledu pritvorskih predmeta tako i u pogledu zakazivanja glavnih

preteresa, su u najvećem dijelu predmeta ispoštovani, kao i rokovi propisani Zakonom o parničnom postupku u pogledu dostave tužbe na odgovor, kao i u zakazivanju pripremnih ročišta i glavnih rasprava. Rokovi propisani za izradu odluka uglavnom su ispoštovani na svim referatima, osim u opravdanim slučajevima.

U izvještajnom periodu ostvarena je saradnja na zavidnom nivou sa Centrom za pružanje besplatne pravne pomoći što se odrazilo na aspekt budžetskih sredstava zbog angažovanja uposlenika Zavoda u predmetima.

Ocjena o potrebnom broju sudija, stručnih saradnika i ostalih zaposlenika:

Ako se ostvareni priliv predmeta u 2022. godini iskazan u tabeli br. 1, sagleda u odnosu na godišnju normu, proizilazi da bi se zadržala postojeća ažurnost suda, odnosno ista i povećala, potrebno je prije svega popuniti upražnjena radna mjesta u pogledu namještenika i državnih službenika. Eventualno zatražiti od VSTV-a izmjenu Pravilnika o unutrašnjoj organizaciji i sistematizaciji radnih mjesta te umjesto dodatnih sudija za koje ne postoji mogućnost angažovanja zbog zaključka VSTV-a, da se umjesto dodatnih sudija (dvoje) promjeni broj redovnih sudija sa 5 na 6. Pored navedenog, potrebno je razmotriti u 2023.godini povećanje broja namještenika ili državnog službenika a imajući u vidu i predviđenu sistematizaciju novim Pravilnikom o unutrašnjoj organizaciji i sistematizaciji radnih mjesta.

